

四庫全書

子部

欽定四庫全書

薛氏醫案卷十八

明薛己撰

續治諸症

一男子遍身患小瘡或時作痒口乾作渴服消風散起赤痒益甚服遇風丹膿水淋漓飲食無度肌肉消瘦尺脉洪數左尺尤甚余謂腎水不足虛火上炎為患先用加減八味丸其渴漸止用補中益氣湯加五味子肌肉

漸生佐以八珍湯加牡丹皮麥門冬百餘劑而痊二年
後不節房勞其瘡復作惑於人言又服消風散之類其
瘡復患余仍用前藥調治而痊

一男子善怒面青腿內腫患癰類色赤作痒或為砭刺
出血發熱焮腫作痛服消風散而益甚服遇仙丹愈加
發熱作渴仍服之膿水淋漓其脉洪數左關為盛余謂
肝經血虛火內動復傷其血而瘡甚耳先用柴胡清肝
散數劑又用四物山梔治之諸症漸愈用八珍湯地黃

九兩月餘而痊

一男子面赤作渴面常患有瘡作痒服祛風藥遍身發赤癩服花蛇酒更發赤暈遍行砭刺又服消風散發熱口渴飲水不止余謂肝經血虛而風熱也用梔子清肝散及地黃丸料煎服熱渴漸止瘡漸結靨又用八珍湯地黃丸瘡靨漸脫又服月餘瘡漸愈

一男子面生粉刺或生小癩服消風散瘡益甚服遇仙丹加遍身赤痒仍服前藥發熱焮腫又服旬餘潰而出

水形體骨立先用四君當歸桔梗數劑飲食稍進又用八珍湯數劑而痊

一男子患腎臟風飲燒酒發赤暈眩出血敷追毒之藥成瘡出水日晡益甚類大麻風服遇仙丹眉毛拆落大便下血虛羸內熱飲食甚少勢誠可畏余先用聖濟犀角地黄湯其血漸止又用五味異功散加當歸升麻飲食漸進用四物參朮牡丹內熱漸減用易老祛風丸膿水漸少又用八珍牡丹皮之類月餘瘡漸結靨因思慮發

熱盜汗瘡復作痒兼起赤暈用加味歸脾湯數劑汗熱漸止用加味逍遙散六味地黄丸而痊

一男子嗜膏粱炙博醇酒辛辣之物遍身生痞癩甚為作痒服消風散之類更起赤暈又砭出血其痒益甚敷敗毒之劑遂各成瘡膿水津淫眉毛漸脫赤痒益甚此脾經積熱傷血所致余先用犀角地黄湯諸症稍退乃用濟生犀角地黄湯加黃連治之膿水漸止乃以八珍湯加山梔牡丹皮眉毛漸生因飲食失宜胸腹作脹飲

食少思或大便下血用五味異攻散加升麻飲食漸進
又用補中益氣湯而血止仍用八珍加丹皮乾葛連翹
而痊

一男子內賺作痒色黯搔起白皮各砭刺出血其痒益
甚更起赤暈延及外賺津淫不已服祛風之藥肢體益
然作渴引飲左尺脉洪大數而無力余謂此腎經虛火
復傷其血火益甚而患耳先以八珍湯加五味子牡丹
皮三十餘劑諸症漸愈乃佐以加減八味丸料又百餘

劑而痊

一男子常咳嗽腿患白癩風皮膚搔起白屑服消風散之類痒益甚起赤暈各砭出血赤暈開脩而痒愈甚服過仙丹之類成瘡出水殊類大麻風咳嗽吐痰面色皎白時或痿黃此脾肺二經虛熱之症先用五味異攻散治之虛熱稍退又用地黃清肺飲肺氣漸清又用八珍湯六味丸而尋愈後又咳嗽痰喘患處作痒用參蘇飲二劑散其風邪又用五味異攻散加桔梗補其肺氣而

痊二年後咳嗽作渴飲水脉洪大左尺為甚用加減八味丸補腎水而痊

一男子素不慎房勞其髮漸落或發熱惡寒或吐痰頭運或口乾作渴或小便如淋兩足發熱或冷至瘕屬足三陰虧損而陰火內熾朝用十全大補湯夕用加減八味丸諸症退而髮漸生後兩腿腕患紫癩風延於兩股作痒各砭出血痒處日甚服消風等藥患處微腫延及上體兩眼昏澁余謂腎臟風先用四生散四服後用易

老祛風丸月餘用地黃丸兩月餘而痊後飲食起居失
宜肢體色赤服二丸隨愈

一男子患白癩風過飲或勞役患處色赤作痒服消風
散之類頓起赤暈遍身作痒礙出血服祛風藥患處出
血恪服遇仙丹患處愈煥元氣日虛余先用九味蘆薈
丸加味羌活湯諸症頓愈用加味逍遙散加味四物湯
乃安

一男子不時患疔瘡搔痒成瘡膿水淋漓惡寒發熱先

用羌活當歸散而痒止又用易老祛風丸而不發後飲
燒酒起赤暈二便不通口舌生瘡熱渴不安用防風通
聖散二便通利但口乾體倦飲食不入用七味白朮散
去木香四劑而安

一男子患瘡疥搔破出膿水面赤作渴大便堅實脉洪
數左關寸為甚此水火相搏也先用瀉青丸料煎服熱
勢頓減又用梔子柴胡散加味逍遙散而瘡愈

一男子患搔痒破而成瘡如大麻風服遇仙丹發熱作

渴大便秘結脉沉實右關為甚此熱蓄於內也先用黃連內疏湯而大便通利又用防風通聖散去硝黃而熱渴止却用八珍湯而瘡愈

一儒者素食膏粱發熱作渴飲冷患瘡如大麻風大便出黑血服清熱祛風等寒藥益甚余謂血分有熱火也故寒之不寒用四物二連湯以清熱涼血用六味地黃丸以補腎生水而熱退又用柴胡梔子散調理而痊

一男子遍身患疣瘡作痒勞而益甚用參芪歸朮為君

佐以柴胡炒芩桔梗川芎炙草而瘥更用補氣血之藥
後不再發

一男子患疔瘡瘙癢發熱形氣虛弱口鼻氣熱且喜飲
冷屬外邪也以消風散二劑外邪悉解但倦怠少食更
治以參芪歸朮陳皮炙草五味子而健又以補中益氣
湯去柴胡升麻加茯苓芍藥乃痊

一男子患前症多在醫脚勞役則痒益甚小便色黃服
敗毒散芩連之劑患處痒痛夜不得寐余謂脾氣受傷

用補中益氣湯加五味麥門少用炒黑黃栢治之而痊
凡病日間如故日晡倦怠或勞愈加晨起如故皆元氣
虛也宜用前藥補而治之

一儒者遍身生瘡瘙痒膿水淋漓自知醫服八珍荆防
之類益甚脉洪大按之無力余謂此氣血虛熱也用八
珍湯加牡丹皮治之而愈繼娶後兩足生瘡久不愈尺
脉數而無力余用地黃丸八珍湯而痊

余甥凌雲漢年十六庚子夏作渴發熱吐痰唇燥遍身

如疥兩腿尤多色黯作痒日晡愈熾仲冬腿患瘡尺脉
洪數余曰疥腎疳也瘡骨疽也皆腎經虛症針之膿出
其氣氤氳余謂火旺之際必變瘡症用六味地黄丸十
全大補二旬諸症愈而瘡症具仍用前藥而愈抵冬畢
姻至春其症復作仍服地黄丸數斤煎藥三百餘劑而
愈

稽勳李龍岡遍身患此腿足為甚日晡益焮口乾作渴
小便頻數此腎經虛熱用補中益氣湯六味地黄丸而

痊

一儒者善嚏患疥余以為腠理不密外邪所搏用補中益氣湯加白芷川芎治之不從自服荆防敗毒散盜汗發熱作渴焮痛膿水淋漓仍用前湯倍加參芪五味而痊

一儒者患在臂脚日晡或痒或脹形體倦怠自服敗毒散痛處發腫小便赤澁此肺腎陰虛余用補中益氣湯加茯苓治之其瘡頓愈又因調養失宜日晡益甚用八

珍湯加五味子麥門冬五十餘劑而愈

一男子患疔瘡色黯作痒出黑血日晡至夜益甚其腿日腫夜消余以為氣血虛而有熱朝用補中益氣湯夕用加味逍遙散而愈

一男子時疫愈後遍身發癩作痒服補中益氣湯而愈有同患者不信余言乃用砭法出血而死此因陰虛血熱色黑作痒也何乃反傷陰血哉

一男子患癩乾痒作痛以芩連荆防山梔薄荷芍藥歸

稍治之而愈

一儒者應試後遍身瘙痒後成疣瘡此勞傷元氣陰火
內熾秋寒收斂腠理鬱熱內作用補中益氣湯加茯苓
川芎白芷而愈後復勞仍作惑於人言服祛風敗毒藥
如大風之狀又發熱作渴倦怠懶食余用補中益氣湯
倍加參芪歸木半夏茯苓五味子麥門冬而愈

舉人陸世明會試途中勞役胸患癰焮赤作痛頭痛發
熱形倦少食大便或溏或結小便赤澁此勞傷元氣而

虛火內動投補中益氣湯一劑頓退再劑而痊又數劑而元氣復

一男子脾腎氣血虛熱略服四物黃柏知母之類元氣愈虛倦熱益甚余朝用補中益氣湯夕用六味地黃丸如五味子煎服而愈後至閩為商遍身搔痒時喜熱水浴之後患瘡癩破而出水用風藥益甚或赤或白眼作花痒先用胡麻散六味丸痒漸愈用六味丸消風散瘡漸愈用八珍湯六味丸而痊次年兩股小腹頸項復作

痒用四生散六味丸而愈

一婦人經水先期勞役或氣惱則寒熱作痒服祛風降
火等藥不勞怒而自痒發熱更加痰喘氣促服化痰清
氣之劑形氣倦怠食少胸痞身發瘡疹服消毒之類膿
水淋漓服大麻風藥口乾作渴欲水而不敢飲經水又
過期眉間若動又服月餘眉毛脫落經水淋漓余謂心
肝二經風熱相搏制金不能平水水尅脾土而不能統
血肝火旺而不能藏血也眉間屬甲木而主風風動血

燥而眉毛脫落又若動也經云水生木遂朝用地黃丸以滋腎水生肝血夕用加味逍遙散以清肝火生肝血月餘諸症漸愈又佐以四君芎歸牡丹皮月餘經水旬日而止又兩月餘經水五十餘日而至乃夕用五味異攻散加當歸服兩月經水四十餘日而至因怒惱寒熱經水如崩眉稜覺動脈洪數弦肝脾二脈為甚用柴胡梔子散二劑以平肝火用五味異功散二劑以補脾氣發熱頓退經水頓止更以八珍湯倍加參朮及地黃丸

兩月餘經水如期眉毛漸生因飲食停滯腹脹作痛另服祛逐之劑泄瀉不止小腹重墜飲食甚少余先用六君子湯送四神丸數劑瀉漸止飲食稍進又用補中益氣湯倍用升麻數劑重墜漸愈後因勞心發熱飲食難化嘔吐涎水其熱自臍上起覺饑熱頻作乃用六君子湯加炮姜治之熱時飲稠米湯稍安兩月餘又常服加味歸脾補中益氣二湯而痊

一婦人秋間肢體作痒時發寒熱日晡熱甚口苦喜酸

月水先期面色常青熱甚則赤略服清熱涼血後發疔
瘡赤痒益甚乃清熱敗毒破而膿水淋漓余謂肝脾血
燥虛熱不信仍治瘡毒其瘡益甚形氣倦怠飲食減少
余先用補中益氣湯間佐以六君當歸元氣稍復乃以
八珍湯倍用參朮少用川芎芍藥炒焦間佐以補中益
氣湯諸症漸愈又以四君子湯為主佐以加味逍遙散
兩月餘膿水漸少又服月餘瘡漸結靨因怒惱寒熱腹
脹飲食少思患處復甚用六君子湯加山梔柴胡乃用

四君子湯為主而瘡漸愈又因怒月經甚多發熱作渴瘡痛出血用柴胡清肝散熱退痛止仍用四君子湯而結靨又用八珍山梔牡丹皮而瘡愈

一婦人變身搔痒膿水淋漓發熱身如蟲行月經不調先用升麻湯送瀉青丸熱痒頓退又用加味逍遙散經行如期用換肌丸而瘡愈後因怒經行不止筋骨作痛用秦朮地黃湯易老祛風丸而痊

一婦人遍身患疔瘡發熱作痒內服敗毒祛風外搽攻

毒追蝕各潰成瘡膿水津淫形氣消瘦飲食日減惡寒發熱作渴飲冷脉浮數按之則濇此元氣復傷也先用七味白朮散數劑其渴漸止飲食稍加乃用八珍湯加柴胡牡丹皮膿水漸乾又用六君芎歸丹皮山梔瘡漸收斂仍用八珍山梔牡丹皮而瘡愈

一婦人每秋間兩手心作痒搔起白皮因勞役惱怒則發寒熱變身作痒起疙瘩或以為風症內服花蛇等藥外敷硫黃之類患處焮潰又服遇仙丹熱渴益甚月水

不通余謂肝脾二經血燥生風先用加味逍遙散熱渴漸減又用八珍柴胡山梔患處少可後因怒氣發熱脇痛患處焮腫用加味逍遙散四劑而安又用四君芎歸山梔牡丹皮半載而痊

一婦人因怒寒熱發赤暈服祛風之藥發疔瘡或砒出血患處焮腫發熱頭痛內服外敷俱係風藥膿水淋漓服花蛇酒之類前症益甚更加晡熱煩渴不寐脉洪大按之如無余謂血脫煩躁先用補血當歸湯稍緩用四

君當歸數劑得睡但倦怠頭運少食用補中益氣湯加
蔓荊子稍可又用八珍湯少用芎芎倍用參朮三十餘
劑而能步履又服月餘而瘥

一婦人患白癜風誤以為大麻風服蛇酒等藥患處焮
腫經水兩三月一行余曰此肝血傷而內風也誤服風
藥必筋脉拘急不信仍作風治果身起白屑四肢拳攣
始信余言先用八珍湯四劑又用四君子湯二劑月餘
乃以四君子湯又用八珍湯二劑又月餘諸症漸退元

氣漸復又以四君子湯為主以逍遙散為佐將兩月瘡
靨脫落又月餘而愈

一婦人性急善怒月經不調內熱口苦患疣瘡作痒服
敗毒之藥膿水淋漓熱渴頭暈日晡益甚用加味逍遙
散漸愈後因大怒月經如湧眼赤出淚用四物湯加山
梔柴胡連芩數劑而愈年餘左足臂腕起白點漸大搔
起白屑內熱盜汗月經兩月餘一至每怒或惡寒頭痛
或不食作嘔或胸乳作脹或腹內作痛或小便見血或

小水不利或白帶下注此皆肝木制伏脾土元氣虛而
變症也用補中益氣湯加炒黑山梔及加味歸脾湯間
服半年而愈後每怒惱患赤暈或以風疾治之發疔瘡
又服遇仙丹赤腫作痒出膿水外敷追蝕之藥寒熱作
渴又服胡麻草烏之藥遍身搔痒眉毛脫落膿水淋漓
咳嗽發熱月經兩月一行余用四君當歸牡丹皮月餘
熱渴稍止飲食稍進又服月餘咳嗽稍可却用八珍湯
加牡丹皮二十餘劑患處漸乾經水如期後因傷食作

瀉不食用六君子湯飲食漸進又因怒發熱作渴患處
作痛經行不止用加味逍遙散漸可仍用四君子湯而
全愈

一婦人性沉靜懷抱不樂月經過期遍身作痒服祛風
清火之劑搔破成瘡出水不止其痒益甚或用消風散
之類眉稜跳動眉毛折落又服過仙丹患處俱潰咳嗽
發熱飲食日少月經先期余作肝脾鬱怒而血燥前藥
復傷而益甚先用四君芎歸山梔牡丹皮飲食漸進服

月餘而嗽止又以加味逍遙散加釣藤鈎二十餘劑而
眉不動乃去釣藤倍加參朮當歸月餘瘡漸結靨又以
八珍湯加山梔牡丹皮而痊

一婦人患前症膿水淋漓發熱作渴體倦惡寒經水不
調久而不愈此肝脾虧損而虛熱也先用補中益氣湯
加川芎山梔而元氣漸復又用逍遙散而瘡漸愈又產
後患疥遍身作痒搔起疣瘡破而出膿或出血水誤服
醉仙散殊類風症余用八珍湯數劑而安又用十全大

補湯患處漸乾因惱怒停食腹脹少食發熱作渴患處復潰用六君子湯加炒黑山梔數劑飲食漸進又用八珍湯之類而痊

一婦人日晡身痒月餘口乾又月餘成瘡服祛風治瘡之劑膿水淋漓午前畏寒午後發熱殊類風症余謂此肝火傷脾外邪所搏先用補中益氣湯加山梔鈎藤又用加味逍遙散兼八珍散而痊

一婦人素清苦因鬱怒患前症遍身發疔瘡晡熱內熱

盜汗自汗月經不行口乾咽燥余用歸脾湯數劑諸症稍退後兼加味逍遙散五十餘劑而愈

一婦人性躁患痞癩作痒膿水津淫寒熱口苦脇痛耳鳴腹脹滿瀦乃肝脾血虛火症用六君柴胡山梔龍膽數劑以逍遙散兼服漸愈又與六味九逍遙散七十餘劑諸症悉退

一婦人患癩症作痒脉浮數以人參敗毒散二劑少愈更以消風散四劑而安又用柴胡清肝散而愈

一婦人患癰症痒痛大便秘脉沉實以四物湯加芩連
大黃槐花治之而便利用四物二連湯而瘡愈

一婦人身如丹毒搔破淋漓熱渴頭眩日晡益甚用逍
遙散加炒山梔丹皮而愈又用八珍柴胡山梔丹皮而
痊

一婦人患前症誤服大麻風藥破而出水煩渴頭運誠
類風症六脉洪數心肝脾為甚余曰風自火出此因怒
動肝火血燥而生風耳非真風症也與逍遙散六味丸

以清肝火滋脾血生腎水而愈

一婦人患前症搔破久不愈食少體倦此肝脾虧損陰虛發熱也先用補中益氣湯加川芎炒梔元氣漸復更以逍遙散而瘡愈

一婦人身如丹毒後發疔瘡搔破膿水淋漓熱渴頭暈日晡益甚先用消風散二劑又用加味逍遙散而愈

一婦人患赤遊風晡熱痒甚余用清肝養血之劑不信乃服大麻風藥臂痛筋攣又服化痰順氣之劑四肢痿

弱又一婦患前症數用風藥煎湯泡洗以致腹脹並死
一女子月經先期或經行上身先發赤暈微腫作痒若
遇氣惱赤痒益甚服祛風之劑患處更腫疔出紫血甚
多其痒愈作余謂肝火血燥風藥復傷血而為患也先
用加味逍遙散清肝火益肝血赤痒少止用地黃丸滋
腎水生肝木各五十餘貼而痊後因惱怒經水不止發
熱作渴患處赤痒先用加味小柴胡湯二劑諸症頓止
又用加味逍遙散而安

一女子二十歲月經先期而或過期或有怒身發赤暈
或患疣瘡六七日方退服祛風藥赤暈不退搔痒作渴
熱為風症恪服前藥搔破成瘡膿水津淫余曰此肝火
生風再服是藥必致筋攣不悟後兩手果攣始信先用
地黃丸四物湯月餘熱渴頓減乃佐以加味逍遙散又
月餘患處膿少又用四君山梔牡丹皮二十餘劑指能
伸屈因怒發熱經水不止睡中筋脉抽動不安以加味
逍遙散加鈎藤鈎治之而痊仍用四物山梔鈎藤鈎牡

丹皮而瘡結靨乃去鈞藤鈞調理元氣復而瘡靨脫

一女子常患癩疹作痒因怒發熱變為疣瘡骨腫痒甚
余用梔子清肝散治之而愈後又怒患痕起赤暈遊走
不定自砭出紫血甚痒徹骨其熱如炙如大麻風欲用
風藥余給之曰然乃以當歸補血湯四劑其熱悉止又
用聖愈湯加味逍遙散而痊

一女子赤暈如霞作痒發熱用小柴胡湯加生地連翹
丹皮而愈後時常發熱遍身如蟲行因惱怒起赤暈作

痒用柴胡清肝散熱痒頓止用加味道遙散熱痒全止
但見風起赤暈或發癩疹或患疣瘡用胡麻散隨愈

一女子常患疣瘡時或作痒服消風之類搔破成瘡其
痒不止延及頭面余先用羌活當歸散其痒頓止用加
味道遙散其熱頓痊又用當歸飲而瘡亦愈用八珍柴
胡山梔而不再作

一小兒因有食積服尅滯之劑肢體生瘡似疥服消毒
之藥發疣瘡赤色作痒膿水津津先用五味異攻散加

柴胡山梔以補脾胃平肝木赤痒漸消又用四味肥兒
丸五味異功散治之而食積愈

一女子赤暈作痒寒熱發搐服風藥身發疙瘩搔破出
水此肝血風熱之症先用加味小柴胡湯後用四味肥
兒丸而愈後傷風咳嗽頭面搔痒微腫先用消風散一
劑又用梔子清肝散而痊

一小兒遍身生瘡小便不調頸間結核兩目連劄服祛
風之劑眉毛脫落余謂肝經風熱之症先用大蘆薈丸

後用四味肥兒丸漸愈後因飲食停滯發熱其瘡復骨
用大蕪荑湯四味肥兒丸而痊後每停食遍身發赤作
痒服四味肥兒丸即愈

一小兒遍身患瘡似疥作痒肌體消瘦發熱齟爛口渴
飲水大便不實此腎肝之症也先用地黃丸治之又用
大蕪荑湯而愈後因飲食所傷其瘡復熾先用四味肥
兒丸後用大蕪荑湯而痊

一小兒遍身生瘡似疥或痒或痛膿水淋漓眉毛脫落

大便酸臭小便澄白余謂肝脾之症先用大蘆薈丸後
用四味肥兒丸諸症漸愈又佐以五味異功散而痊
一小兒遍身生瘡頭髮成穗眉毛脫落肌肉消瘦大便
酸臭小便不調頸間結核肚大青筋余先用五味異功
散月餘後用四味肥兒丸又用大蕪荑湯異功散而痊
一小兒先陰莖作痒小便不調後遍身生瘡作痒服消
風敗毒之劑譬如大風之症頸間結核發熱如炙余先
用柴胡梔子後用大蘆薈丸四味肥兒丸諸症少愈又

用蝦蟇丸四味肥兒丸而痊

一小兒部面浮腫遍身如癩半年後遍疣瘡色紫作痒
敷巴豆之藥皮破出水痛痒寒熱大便堅硬脾肺脉洪
數而實先用防風通聖散便利調和又用四物湯加荆
防黃芩柴胡皂角刺甘草節諸症漸愈更以八珍湯加
白朮荆防皂角刺五加皮而愈後但勞則上體發赤暈
日晡益甚此氣血虛而有火也先用四物湯加丹皮參
朮柴胡治之稍愈又用補中益氣湯加酒炒黑黃栢知

母月餘全愈後不守禁忌遍身生瘡誠如癘風大便酸臭肚大青筋頭髮成穗先用肥兒丸九月餘又用大蕪荑湯數劑又用大蘆薈丸四味肥兒丸而尋愈

一女子十二歲善怒遍身作痒出水用柴胡川芎山梔芍藥以清肝火用生地當歸黃芩以涼肝血用白朮茯苓甘草以健脾胃而愈半載之後遍身起赤痕或時眩暈寒熱余曰此亦肝火熾盛血得熱而妄行其夜果經至後因肝經血燥生瘡發熱作痒搔破出水眉毛脫落

用大蘆薈九四物二連湯而熱退用五味異功散四味肥兒丸而瘡愈

一小兒遍身生瘡大便下血發熱作渴腹大青筋眉毛漸落余用大蘆薈九五味異功散其瘡漸愈佐以補中益氣湯熱渴漸止又用異功散為主佐以補中益氣湯加吳茱萸所製黃連治之血止瘡愈

一小兒十五歲遍身似疥非疥膿水淋漓晡熱口乾形體骨立四年矣此腎肝之症用六味丸而痊後陰莖作

痒小便澄白患瘡疥如大風余用大蘆薈丸四味肥兒丸諸症漸愈又用大蕪荑湯而尋愈後停食吐瀉不食發赤癩先用二陳山查麥芽次用異攻散飲食如常又用大蕪荑湯而愈

一女子赤暈如霞作痒發熱用小柴胡湯加生地黃連翹丹皮而愈

一女子性急多怒月經先期患痞癩色赤作痒搔破膿水不止服祛風藥其瘡益甚服花蛇酒四肢瘳癢眉毛

折脫余先用柴胡清肝散加釣藤鈎數劑又用加味逍遙散加鈎藤鈎諸症漸愈又用易老祛風丸而痊

一女子素有肝火因怒頸項結核寒熱晡熱遍身起赤暈作痒服祛風之藥搔痒出水唇目搐動余以為脾經血虛內熱生風用梔子清肝散加鈎藤鈎而搐熱頓減又用當歸川芎散而諸症漸愈乃用加味逍遙散而痊一小兒患赤遊風余先用羌活白芷散二劑又用加味逍遙散而愈後傷風熱起疙瘡搔破出水或用大麻風

藥十指拳攣膿水津淫余先用秦芫地黃丸手指如常
又用易老祛風丸而瘡亦痊

一小兒遍身搔痒或如蟲行內服胡麻散外敷解毒散
患處皆潰誠如麻風之症視其唇或掣動或兩目連劄
此肝木乘脾土用升麻湯煎送瀉青丸而漸愈又用樺
皮散而痊

一小兒遍身搔痒起赤暈後膿水不止先用歸脾飲二
劑又用柴胡散而愈後因驚挾食發熱起赤暈用越鞠

九一錢枳朮蓬朮末各五分葱湯調服二次又用消風散一服赤暈頓消又用越鞠丸而痊



薛氏醫案卷十八

欽定四庫全書

子部
薛氏醫案卷十九

詳校官太醫院醫士臣舒斌

編修臣倉聖脈覆勘

總校官原任中允臣王燕緒

校對官中書臣李斯咏

謄錄監生臣陳觀龍

欽定四庫全書

薛氏醫案卷十九

明薛已訂

癘瘍機要下

各症方藥

通天再造散 治癘風惡疾

鬱金

五錢

大黃

煨

皂角刺

炒黑各

一兩

白牽牛

六錢

生半炒

右為末每服五錢日未出時面東以無灰酒調下

寶鑑醉仙散 治癘風

胡麻子 牛蒡子 枸杞子 蔓荊子 各炒 白蒺

一兩

荊 瓜蒌根 苦參 防風

錢各五

右為末每一兩五錢入輕粉二錢拌勻每服一錢茶清調晨午各一服至五七日於牙縫中出臭涎令人如醉或下膿血病根乃去仍量人輕重虛實用病重者須先以再造散下之候元氣將復方用此藥忌一切炙烤厚味止可食淡粥時菜諸蛇以淡酒蒸熟食

之可以助藥勢

寶鑑換肌散 治癘風久不愈或眉毛脫落鼻梁崩壞

不月奏效如神

地龍

去土

當歸

細辛

何首烏

不犯鐵

白芷

天麻

蔓荊子

葳靈仙

荊芥穗

菊花

苦參

紫參

沙參

木賊草

白蒺藜

草烏頭

炮去皮臍

不灰木

甘草

天門冬

去心

赤芍藥

九節菖蒲

定風草

胡麻子

炒

川芎

蒼朮

一兩

木鼈子

一兩

白

花蛇

三兩

黑花蛇

三兩
酒浸

右各另為末每服五錢溫酒調下日後酒多尤妙

補氣瀉榮湯 治癘風

升麻

連翹

各六分

蘇木

當歸

黃連

黃芪

全蝎

地龍

去土各五分

生地黄

荆芥

各四分

人參

梧桐淚

各一分

桔梗

麝香

少許

桃仁

三箇

白豆蔻

蠟

蟲

去翅足炒三箇

水蛭

炒烟盡三箇

右先將豆蔻麝香水蛭蠟蟲各另為末和勻却將前

藥用水二鍾煎至一鍾去粗入桐淚前末再煎至七分空心熱服

海藏愈風丹 治癩病手足麻木眉毛脫落遍身生瘡及癘風癢疹皮膚燥痒搔破成瘡並皆治之

皂角

乙斤對寸許無灰酒浸一宿以水一碗按成汁去粗以砂器中文武火熬

土花蛇

二條去腸陰乾酒浸取淨肉晒乾為末大風症治之

苦參一斤取末四兩 白花蛇

烏梢蛇

各一條依前酒浸取肉為末

右為末入前二味為丸桐子大每服六七十丸空心

通聖散送下乾物壓之日三服間日浴之汗出為度
愚按前方果係癘風用之必效若肝經血熱脾經血
虛腎經虛火脾肺氣虛遍身作痒搔破成瘡或內熱
生風而鬚鬢脫落或皮膚赤暈或搔起白屑而類癘
風者服之反成癘風矣

二聖散 治癘瘡

大黃

五錢

皂角刺

三錢

燒灰

右為末每服二錢白湯調下早服樺皮散中服升麻

湯下瀉青丸晚服二聖散皆為疎泄血中風熱也

清胃散 治熱毒在表以此發散之

升麻 白芷 防風 白芍藥 乾葛 甘草

當歸 川芎 羌活 麻黃 紫浮萍 木賊草

各等分

右每服五七錢水煎

防風通聖散 治風熱熾盛大便秘結發熱煩躁表裡

俱實者

防風 當歸 川芎 芍藥 大黃煨 芒硝 連

翹 薄荷 麻黃 桔梗 石膏煨 黃芩炒各

白朮 山梔 荆芥各五分 甘草二兩 滑石三兩 白芷

蒺藜炒 鼠粘子各五錢

右為末每服三五錢白湯調下

透經解攣湯 治風熱筋攣骨痛

荆芥 紅花 蘇木 羌活 當歸 防風 蟬

殼去土 天麻 甘草各七分 白芷一錢 連翹 川芎各五分

穿山甲

三錢
炮

右水酒各半煎服

秦艽地黄湯 治風熱血燥筋骨作痛

秦艽 生地黃 當歸 川芎 羌活 防風

荆芥 甘草 白芷 升麻 白芍藥 大力子

蒸
蔓荆子 各一
錢

右水煎服

羌活當歸散 治風毒血熱頭面生瘡或赤腫或成塊

或癭癬搔痒膿水淋漓

羌活

當歸

川芎

黃連

酒浸炒

鼠粘子

蒸

防風

荆芥

甘草

黃芩

酒浸炒

連翹

白芷

升麻

各一錢

右酒拌晒乾水煎

羌活白芷散

治風熱血燥手掌皴裂或頭面生瘡或

遍身腫塊或膿水淋漓

羌活

白芷

軟柴胡

荆芥

蔓荊子

防風

甘草 猪牙皂角 黄芩 黄連

酒炒各一錢

右水煎服

四生散 治腎臟風耳鳴目痒鼻赤齒浮或婦女血風瘡

白附子 獨活 黃芪 白蒺藜

各等分

右為末每服二錢用猪腰子劈開入藥濕紙裏煨熟細嚼鹽湯下風癬酒下為丸亦可

消風散 治風熱癩癬痒痛或膿水淋漓或頭皮腫痒

荊芥穗 甘草炙各二錢 陳皮五錢 人參 白殭蠶炒 茯

苓 防風 芎藭 蟬殼去土 羌活 藿香各一兩 厚

朴姜製五錢

右每服五七錢薑水煎

九味羌活湯 治一切外因瘡毒

羌活 防風 蒼朮各一錢五分 川芎 白芷 生地

黃 黃芩 甘草各一錢 細辛五分

右水煎服

當歸飲 治血熱癰瘡痒痛或膿水淋漓發熱等症

當歸 白芍藥 川芎 生地黃 防風 白蒺

藜 荆芥 各一錢五分 黃芪 炒 甘草 何首烏 各一錢

右水煎服

升麻湯 治風熱身如蟲行或唇反縱裂

升麻 三分 茯苓 人參 防風 犀角 鎊 羌活 官

桂 各二錢

右每服四錢水煎下瀉青丸

樺皮散 治肺風瘡疥癰瘡及風刺粉刺

樺皮

四兩 炒灰

荆芥穗

二兩

甘草

炙五錢

枳殼

四兩 去穢 燒燉存性

杏

仁

二兩 去皮 尖另研

右為末磁器貯之每服四五錢水煎

胡麻散 治風熱癰瘡搔痒或兼赤暈寒熱形病俱實

者

胡麻

一兩 二錢

苦參

八錢

荆芥穗

八錢

首烏

不見鐵 罷八錢

葳靈仙

防風

石菖蒲

牛蒡子

炒

甘菊花

蔓荊子

甘草

炒各六錢

白蒺藜

炒去刺同

右每服三錢酒調

易老祛風丸

治疥癩風瘡

黃芪

枳殼

炒防風

芍藥

甘草

地骨皮

枸杞子

熟地黄

生地黄

各酒拌杵膏

右各另為末入二黃膏加煉蜜丸桐子大每服七八

十九丸白湯下

白丁香散

治癘風眼中生翳肉

白丁香 貝母

右為末人乳汁調點眼內

子和生鬢散 治癘風鬢毛脫落

半夏 羊糞

各等分

右為末薑汁調塗鬢稜上如不應當叅類症鬢脫條
治之

漂洗癘瘡藥

何首烏

荆芥

防風

馬鞭草

蔓荆子

各等分

右每用十兩水一斗煎數沸無風處洗出汗

解毒散 治風瘡解外毒

巴豆肉

皮硝

各一兩

黃蜂巢

黑狗脊

各七錢

白芷

雄黃

牙皂角

羊蹄根

輕粉

蟬殼

去上枯

礬

寒水石

各五錢

右為末臘猪油調搽外毒既去却搽黃連散

愚按洗藥雖能疏通腠理而損元氣解毒散雖能攻毒而傷良肉不宜多用

黃連散 治癘瘡清熱解毒

黃連

五兩

五倍子

一兩

右為末唾津調塗之

加味道遙散 治血虛有熱遍身搔痒心煩目昏怔忡

頰赤口燥咽乾發熱盜汗食少嗜卧

當歸

炒

芍藥

酒炒

茯苓

白朮

炒各

一錢

柴胡

五分

牡丹皮

甘草

炙

山梔

炒各

八分

右水煎服

當歸補血湯 治肌熱惡寒面目赤色煩渴引飲脈洪

大而虛重按似無此血虛也若誤服白虎湯必死

黃芪

炙一兩

當歸

酒製二錢

右水煎服

補中益氣湯 治中氣不足或因尅伐四肢倦怠口乾

發熱飲食無味或飲食勞倦頭痛煩躁惡寒自汗氣

喘身熱等症

人參

當歸

各一錢

黃芪

炒

白朮

各一錢半

甘草

炙一錢半

陳

皮

五分

柴胡

升麻

各三分

右薑棗水煎空心午前服

四君子湯

治脾胃虛弱飲食少思大便不實等症

人參

白朮

茯苓

各二錢

甘草

炙一錢

右薑棗水煎

六君子湯

治脾胃損傷飲食少思或大便不調面色

痿黃等症即四君子加陳皮半夏

七味白朮散

治中氣虛弱津液不足口乾作渴或口

舌生瘡不喜飲冷吐瀉等症

人參

白朮

木香

白茯苓

甘草

炙藿香

各五

分乾葛

一錢

右水煎服

四物湯

治血虛發熱煩躁或晡熱作渴頭目不清若

因脾虛不能生血者用四君子湯

當歸

熟地

各二錢

芍藥

炒

川芎

各一錢

右水煎服

歸脾湯 治憂思傷脾內熱發熱或血妄行吐下或健忘驚悸少寐或婦女經候不准晡熱內熱或唇口遍身瘡疥等症

白朮 黃芪炒 當歸 茯神 人參 龍眼肉

遠志 酸棗仁炒各一錢 木香五分 甘草炙三分

右薑棗水煎

八珍湯 治氣血俱虛惡寒發熱或煩躁作渴等症即前四君四物二方相合

十全大補湯 治症同上或更兼自汗盜汗體倦食少
等症即八珍湯加黃芪肉桂

聖愈湯 治一切失血或血虛煩渴躁熱卧睡不寧或
瘡症膿水出多五心煩熱作渴等症

熟地

生者自製

生地黃

當歸

酒拌各一錢

人參

黃芪

炒

川芎

各二錢

右水煎服

芎歸湯 治失血煩熱作渴或頭痛眩暈

川芎

三錢

當歸

酒拌
五錢

右水煎服

竹葉黃芪湯

治氣血虛胃火盛而作渴

淡竹葉

生地

各二錢

黃芪

麥門冬

當歸

川

芎

黃芩

炒

甘草

芍藥

人參

半夏

石膏

煨各

一錢

右水煎服

竹葉石膏湯

治胃火盛而作渴

淡竹葉 石膏煨 桔梗 木通 薄荷 甘草各一

錢

右薑水煎

濟生犀角地黄湯 治胃火盛血熱妄行或吐衄便血

形氣虛病氣實者

犀角鎊 生地黃 赤芍藥 牡丹皮各一錢半

右水煎傾出入犀末服若形氣病氣俱實再加黃芩
黃連若因氣惱而致加山梔柴胡

桃仁承氣湯 治血結胸中手不可近或中焦畜血寒
熱胸滿漱水不欲嚥善忘昏迷其人如狂

桃仁

五分

大黃

一錢

甘草

三分

肉桂

五分

右水煎服

瀉青丸

治肝經風熱頭目昏眩肌肉瞤動或牙關緊

急痰涎壅盛或頸項脇肋小腹陰囊腿股作痛凡屬
肝經有餘之症用之

當歸

川芎

山梔

龍膽草

酒拌炒焦

大黃

炒

羌活

防風 各等分

右為末蜜丸桐子大每服二三十丸白湯下

梔子清肝散 治三焦肝膽經血虛風熱耳項胸乳等

處痒痛或發熱寒熱晡熱自汗或目唇搖動

柴胡 梔子 丹皮 各一錢 茯苓 川芎 芍藥

當歸 牛蒡子 炒各七分 甘草 五分

右水煎服

柴胡清肝散 治風熱怒火或寒熱嘔吐等症

柴胡

山梔

炒各錢半

黃芩

炒

人參

川芎

各一錢

連翹

桔梗

各八分

甘草

五分

右水煎服

當歸川芎散

治手足少陽經血虛風熱耳內痒痛或

寒熱少食頭目不清日晡熱甚

當歸

川芎

柴胡

白朮

芍藥

各一錢

山梔

炒錢

二分 牡丹皮

茯苓

各八分

蔓荊子

甘草

各五分

右水煎服

小柴胡湯 治肝膽經風熱或寒熱往來或晡熱潮熱

默默不欲飲食或因怒火口苦耳聾脇痛等症

柴胡

二錢

黃芩

一錢半

人參

半夏

各一錢

甘草

炙五分

右薑棗水煎

大蘆薈丸 治疳火下疳或小兒疳膨食積口鼻生瘡

或牙齦蝕爛或蟲蝕肛門痒痛

胡黃連 蘆薈 黃連 炒 木香 白燕萸 炒 青皮

白雷丸 鶴虱草 各一兩 麝香 一錢

右為末蒸餅糊丸桐子大每服一錢空心米湯下

加味地黄丸 治腎經陰虛耳內痒痛或兩目昏花或

吐痰氣喘作渴發熱小便赤澇等症

乾山藥 山茱萸 牡丹皮 澤瀉 白茯苓

熟地黄

自製

生地黃

柴胡

五味子

各另為
木等分

右二地黄搗碎酒拌濕杵膏入前末和勻煉蜜丸桐子大每服百丸空心白湯下

二陳湯 治中脘停痰嘔吐惡心或頭目不清飲食少

思

陳皮 茯苓 半夏 甘草

炙各一錢

右薑棗水煎

連翹飲子 治目惡日光或癰瀉昏花不能久視迎風

有淚

蔓荆子 甘草 連翹

各三錢

黃芪炒 柴胡 黃芩

酒拌五分 生地黃 當歸 紅葵花 人參

各三分

升麻

防風 羌活

各一錢

右水煎服

四物龍膽湯

治肝經風熱眼暴赤痛或生雲翳

當歸 川芎 芍藥 生地黃 羌活 防風

防已 膽草

酒拌炒焦

右水煎服

四物二連湯 治血虛五心煩熱晝則明了夜則發熱

當歸 生地黃 白芍 各一分 川芎 七分 黃連 五分 胡

黃連

三分

右每服五錢水煎

地芝丸 治目能近視不能遠視此陽氣不足陰氣有

餘

生地

焙乾
四兩

天門冬

去
心

枳殼

麩
炒

甘菊花

各二
兩

右為末煉蜜丸桐子大每服百丸清茶下

定志丸 治目能遠視不能近視此陰氣不足陽氣有

餘

白茯苓

人參

各二
兩

遠志

去
心

石菖蒲

各一
兩

右為末煉蜜丸桐子大以硃砂為衣每服二三十丸
溫酒下日三服

神效黃芪湯 治渾身或頭面手足麻木不仁兩目緊

縮羞明畏日或視物不明

黃芪

二兩

人參

八錢

甘草

炙

白芍藥

蔓荊子

各一兩

陳

皮

五錢

右每服五錢水煎臨卧熱服如麻木不止更加黃芪

雖有熱症不用黃柏

益氣聰明湯 治脾胃傷損眼目昏暗或飲食勞役脾

胃不足致內瘴耳鳴

黃芪

甘草

炙

人參

各五錢

升麻

葛根

黃栢

各炒

二錢芍藥

一錢蔓荊子

一錢

七分

右每服五錢水煎臨卧及五更服脾胃虛去黃栢

清涼飲

治實熱大便秘結或咽喉腫痛

當歸

赤芍藥

甘草

炒

大黃

各蒸等分

右每服五錢水煎

清胃散 治脾胃濕唇齒作痛或齒齲潰爛或連頭面作痛或發熱惡寒或熱藥厚味所致

生地黄

酒拌

當歸

酒洗

牡丹皮

黃連

各五分

升麻

一錢

右水煎服如痛未止加石膏之類

涼膈散 治上焦實熱煩躁作渴或喉舌腫痛便溺秘

赤

大黃 朴硝 甘草 梔子仁 黃芩 薄荷

各一

兩連翹

四兩

右每服三五錢水煎

黃連解毒湯 治瘡瘍焮痛煩躁飲冷脈洪數發狂言

黃芩 黃連 黃柏 山梔

各炒
錢半

右水煎服

瀉黃散 治胃經實熱嘔吐或口舌生瘡

石膏 煨 藿香 各一錢 山梔 一錢 甘草 五分 防風 七分

右水煎服

潤腸丸 治脾胃伏火傷血或失血大腸乾燥大便不

通或風熱血結便秘食少

羌活

當歸尾

麻子仁

桃仁

去皮尖
另研

大黃

煨

皂角仁

各一兩

秦朮

五錢

右為末煉蜜或猪膽汁丸桐子大每服三五丸食前滾湯下如燥糞在肛門之間用膽汁導之即通若因津液乾涸不通當補氣血

滋腎丸

治不渴而小便不利者乃膀胱經熱甚不能

生水宜用此藥以滋化源

肉桂

錢三

知母

黃栢

各酒炒
黑二兩

右為末水丸桐子大每服二百丸空心白滾湯下

清肺飲 治渴而小便不利乃肺經有熱絕寒水生化

之源宜用此藥

茯苓

錢二

猪苓

錢二

燈心

錢一

木通

七分

藿麥

五分

扁蓄

三分

右為末作二劑水煎

黃芩清肺飲 治肺燥而小便不利

黃芩

山梔

各一錢

右水煎服

五淋散 治膀胱有熱水道不通淋瀝不出或尿如豆
汁或成砂石或熱拂便血

赤芍藥

山梔

各一錢

當歸

甘草

各一錢二分

赤茯苓

一錢五分

右用燈心二十莖水煎服

清心蓮子飲 治熱在血分口乾便濁夜則安靜晝則

發熱或口舌咽乾或生瘡煩渴小便濇淋

黃芩 麥門冬 地骨皮 車前子炒 甘草各一錢五

分 石蓮肉 茯苓 黃芪炒 柴胡 人參各一錢

右水煎服

升陽益胃湯 治脾胃虛弱怠惰嗜卧或值秋令體重

節痛大便不調小便頻數飲食不消洒淅惡寒悽慘

不樂面色不和乃陽不升也

羌活 獨活 防風各五錢 柴胡 白木 茯苓渴者

不澤瀉各三錢 人參 黃芪各二兩 半夏 甘草炒各一兩

芍藥

黃連

炒

陳皮

各三錢

右每服三五錢薑棗水煎若服後小便愈數而病愈加不宜分利小便當減茯苓澤瀉

生脈散 治熱傷元氣肢體倦怠氣短懶言汗出不止口乾作渴等症

人參

五錢

麥門冬

二錢

五味子

一錢

右水煎服如不應倍之

清燥飲

治氣血虛弱濕熱乘之遍身酸軟或濕熱行

令肺金受邪腎無所養小便赤少大便不調或腰腿
酸軟體重麻木或頭暈食少自汗口乾胸滿氣促懶
於言語

黃芪

蒼朮

各一錢

人參

白朮

神麩

炒陳皮

各五

分甘草

炙黃栢

炒麥門冬

當歸

各三分

葛根

澤

瀉

青皮

各二分

五味子

丸粒

右水煎服

二神丸 治脾胃不足侵晨作瀉或不時去後飲食少

思肌肉消瘦

補骨脂

四兩

肉豆蔻

二兩

生薑

四兩

紅棗

四十枚

右用水一盞煮薑棗至水乾取棗肉和藥末杵勻丸

桐子大每服五七十丸淡鹽湯下

六味丸

一名地黃丸加肉桂五味名加減八味丸

治腎虛發熱作渴痰咳頭

暈喉燥唇裂腰腿酸軟或自汗盜汗便血諸血失音
水泛為痰小便淋漓等症

牡丹皮

白茯苓

澤瀉

各三兩

熟地

自製八兩

山茱萸

去
乾山藥 各四
核兩

右為末地黃杵膏加煉蜜丸桐子大每服七八十九
空心食前滾湯下

加減金匱腎氣丸 治脾胃虛腰重脚腫小便不利或

肚腹腫脹四肢浮腫或喘急痰盛已成蠱症其效如
神

白茯苓 三兩 附子 五錢 川牛膝 肉桂 車前子 澤

瀉 山茱萸 山藥 牡丹皮 各一兩 熟地黃 四兩
酒拌

膏 杵

右為末和地黄加煉蜜丸桐子大每服七八十九空心米飲下

五味異功散 治脾胃虛弱飲食少思或食而難化大便不實等症

人參 白朮少 茯苓各二錢 甘草炙 陳皮各一錢

右水煎服

四神丸 治脾腎虛弱大便不實飲食少思等症

肉豆蔻

五味

各二兩

補骨脂

四兩

吳茱萸

炒一兩

右為末水二碗生薑八兩紅棗百枚煮熟取棗肉和

末丸桐子大每服五七十九空心食前白湯下

愈風丹 治諸風肢體麻木手足不隨等症

天麻

牛膝

酒浸焙

草薺

玄參

各六兩

杜仲

七兩

羌活

十四兩

當歸

熟地黄

自製

生地黄

各一斤

獨活

五兩

肉桂

三兩

右為末煉蜜丸桐子大每服七十九温酒下

瀉白散 治肺經實熱咳嗽

桑白皮

地骨皮

各一兩

甘草

五錢

右為末每服三錢白湯調下

半夏白朮天麻湯

治寒氣所鬱大便不利或嘔不食

痰唾稠粘頭目眩運喘促氣短或頭痛身重四肢逆

冷

半夏

天麻

黃芪

人參

蒼朮

陳皮

澤

瀉 茯苓

各一錢五分

白朮

神麴

炒各一錢

大麥芽

乾

薑

炒黑各三分

黃栢

酒製二分

右每服五錢水煎服

牛黃清心丸

治諸風手足不隨痰涎壅盛言語蹇澇

心忡健忘或發顛狂

防風

白朮

白芍藥

羚羊角

鎊麝香

另研龍腦

另研麥門冬

去心黃芩

各一兩人參

神麩

炒蒲黃

各二兩

甘草

五兩白茯苓

芎藭

杏仁

去皮桔梗

各一兩二錢半

柴胡

兩二錢半雄黃

另研山藥

七錢五分牛黃

另研白薇

一兩二錢

乾薑

各七錢五

當歸

酒浸兩半

大豆黃卷

阿膠

肉桂

各兩七錢

犀角

二兩

大棗

一百枚蒸熟杵

金箔

一千三百片內四百為衣

右為末和勻同棗肉加煉蜜丸龍眼大以金箔為衣
每服二丸白湯化下

人參理中丸

治脾胃虛寒嘔吐泄瀉飲食少思等症

白朮

炒

人參

乾薑

炮

甘草

炙各等分

右為末丸桐子大每服六七十丸白湯下

人參平肺散

治心火尅肺傳為疽痿咳嗽喘嘔痰涎

壅盛胸膈痞滿咽噎不利

人參 陳皮 甘草 炙 地骨皮 茯苓 各一錢 知母

分七 五味 杵炒 青皮 五分 桑白皮 炒一分 天門冬 四分

右水煎服

決明夜靈散 治日至夜則昏雖有燈月亦不能睹

石決明 夜明砂 各另研 豬肝 一兩或羯羊肝亦可

右以竹刀切肝作二片鋪藥於內用線縛定砂罐內
米泔水煮至半碗臨睡連肝服之

人參益氣湯 治暑熱傷氣肢體困倦飲食少思或發

熱作渴等症

黃芪

錢八

人參

甘草

錢各五

炙甘草

升麻

柴胡

各二錢

白芍藥

錢三

五味

錢一百四十粒

右作四劑水煎服

四七湯 治七情鬱結成痰或如梅核梗於喉間或中

脘停痰惡心嘔逆

紫蘇葉

厚朴

薑製

茯苓

錢各一

半夏

薑製一錢五分

右薑棗水煎

硫黃散 治紫白癩風

硫黃

一兩用醋一
碗煎乾再晒

右為末以生薑蘸藥擦患處

神效當歸膏 治風瘡去腐肉生新肉其肉赤黯毒氣

熾盛搽至淡赤或其毒已退收功甚速此膏生肌止

痛補血續筋故與新肉相宜

當歸 黃蠟 生地 各一兩
麻油 六兩

右先將地黃當歸入油煎黑去粗入蠟溶化候冷攪
勻即成膏矣如用白蠟尤好

砭法 治風毒瘀血壅盛或色赤走徹用細磁器擊碎
取有鋒甚者一塊以筋一根劈開頭夾之用線縛定
兩指輕撮筋稍令磁芒正對患處懸一寸許再用筋
一根頻擊筋頭令毒血遇刺皆出

妙香散 治心氣不足精神恍惚虛煩少睡盜汗等症

甘草

錢炒一

人參

桔梗

錢各五

遠志

錢炒去心

山藥

汁蘆

茯苓

神

黃芪

各一兩

辰砂

另研三錢

麝香

二錢

木香

煨二分

右為末每服二錢溫酒調下

四味肥兒丸

治小兒食積五疳或白痿體瘦肚大青

筋髮稀成穗或遍身瘡疥等症

蕪荑

炒

神麴

炒

麥蘖

炒

黃連

各等分

右為末豬膽汁丸黍米大每服一二十九丸木通煎湯

下米糊丸亦可

地黃清肺飲

治肺肝咳嗽

馬兜鈴

甘草

各五分

粘米

炒十粒

鼠粘子

三分炒

明阿

膠

一錢 麩炒

杏仁

七枚去皮尖

右水煎服量兒加減

蟾蜍丸

治無辜疔症一服虛熱退二服煩渴止三服

瀉痢愈

蟾蜍

一枚夏月溝渠中取腹大不跳不鳴身多癩者

右取糞蛆一枚置桶中以尿浸之却將蟾蜍跌死投

與蛆食一晝夜用布袋盛蛆置急水中一宿取出瓦

上焙乾為末麝香一字和勻粳米飯丸麻子大每服
二三十丸米飲下甚效

小柴胡湯

加山梔牡丹皮名
加味小柴胡湯

治傷寒溫熱身熱惡風頭

痛項強四肢煩疼往來寒熱嘔噦痰實中暑瘧疾並
服之 方見前

愚按前方若肝膽經風熱肝火瘰癧寒熱往來日晡
發熱潮熱身熱不欲飲食或怒火口苦耳聾咳嗽或
脇胸痛滿小便不利或泄瀉吐酸若水或肢體搖動

唇目抽劄並宜用之

神效太乙膏 治癰疽瘡毒潰爛

玄參 白芷 當歸 肉桂 赤芍藥 大黃

生地黃 各一兩

右用麻油二斤八兩銅鍋內煎至黑濾去徐入淨黃丹一斤再煎滴水水中捻軟硬得中即成膏矣

金華散 治乾濕瘡癬

黃丹 一兩

煨

輕粉

三錢

黃栢

黃連

各一兩

麝香

一字 另研

右為末洗淨搽之乾用猪脂和傅麻油亦可

一方治惡癬以紫貝草根生白礬少許同搗塗患處

又一方

剪刀草

黃連

苦參

各五錢

真輕粉

二錢

右為末入麻油調敷

大麻子膏

治一切瘡疥膿窠等瘡

大楓子

肉

白礬

枯各二兩

真輕粉

一兩

桐油

六兩

右為末將油溶化和勻用之

加味逍遙散 治肝脾血虛身發赤痕或發熱胸乳腹

脹或搔痒盜汗心煩體痛或頭目昏重怔忡頰赤或

口燥咽乾食少嗜卧或婦女月經不調惡寒發熱等

症 方見前

歸脾湯 治憂思傷脾身發赤痕或搔破成瘡健忘怔

忡驚悸少寐或心脾作痛自汗盜汗咳吐痰血或肢

體作痛大便不調或婦女經候不準晡熱內熱或唇

口生瘡流注等症 方見前

白癩風方

人參

白朮

蒼朮

鹽炒

防已

酒拌

黃柏

酒炒

川芎

各一錢

一

陳皮

酒拌

當歸

茯苓

木瓜

柴胡稍

甘草

各五分

分

右薑水煎服如三劑不退加桂少許或用湯煎小便

濇倍用牛膝有熱加黃連身熱加羌活量兒大小用

化蠱丸 治諸疔生蟲不時啼哭嘔吐清水肚腹脹痛

唇口紫黑腸頭濕蘊

蕪荑

青黛

蘆薈

蝦蟆

燒灰

川芎

白芷

胡

黃連

右各另為末等分猪膽浸膽成糕丸如麻子大每服
一二十丸食後并臨卧杏仁湯下

大肥兒丸

治脾胃飲食少思肌肉消瘦肚大頸細髮

稀成穗項間結核發熱作渴精神倦怠便去酸臭愛
食泥土或口鼻頭瘡或吐見素筋嚙齒下利便白五
疳即肥兒丸加乾蟾一兩蕪荑五錢

天麻丸 治肝疳眼目生翳昏花濕爛等症

青黛 川黃連 天麻 五靈脂 川芎 夜明

砂微炒 蘆薈 龍膽草 防風 蟬蛻去足各一錢 全蝎

二枚 麝香少許

右為末猪膽汁浸糕丸麻子大每服二三十丸白滾

湯下

阿魏膏 治一切痞塊不拘年月遠近甚者口齒蝕傷

更服蘆薈丸

羌活 獨活 玄參 官桂 赤芍藥 穿山甲

生地黄 兩頭尖 大黃 白芷 天麻 各五錢

木鼈子 二十枚 去殼 紅花 四錢 槐柳桃枝 各三錢 亂髮 如雞子大

一塊洗去膩

右用香油二斤四兩煎至黑色去粗入髮再煎待髮

化盡去粗徐下黃丹一斤煎至軟硬得中方入芫硝

四錢阿魏三錢蘇合油麝香沒藥各五錢調勻即成

膏矣攤貼患處內服消積丸藥黃丹須真正者效凡

貼膏藥先用朴硝隨患處大小鋪之約半指厚以紙
蓋之用熨斗熨良久如硝耗再加熨之熨二時許方
貼膏藥若是肝積加蘆薈末同熨

大防風湯 治膝風腫痛不問已潰未潰

附子

炮去皮

牛膝

酒浸

甘草

炙各一錢

人參

杜仲

薑製

當歸

酒浸羌活

防風

白芍藥

炒黃芪

各二錢

川芎

一錢五分

熟地黄

用生者酒拌蒸一日忌鐵器二錢

右每服三五錢薑水煎空心服進三五劑更服六味

地黄丸二三服

獨活湯 治鶴膝風不問腫潰疼痛及腰背四肢不仁

獨活 當歸 白朮 黃芪炒 薄桂 牛膝各一錢

甘草炙五分

右薑蔥水煎服量兒加減

清熱消毒散 治癰疽陽症腫痛發熱作渴

黃連 山梔 連翹 當歸各五分 川芎 芍藥炒

生地黃 金銀花各一錢 甘草五分

右水煎服

神功散 治瘡毒未成者用之內消加乳沒尤妙

黃栢炒 草烏炒 血竭等分

右各另為末和勻用漱口水調搽小兒丹痛用之亦效已砭者用之作痛

乳香定痛散 治瘡瘍潰爛疼痛

乳香 沒藥各三錢 滑石七錢 寒水石一兩 冰片二錢

右為細末搽患處痛即止甚效

加減抱龍丸 治風痰壅盛驚搐昏睡等症

雄黃

辰砂

各二錢

天竺黃

四錢

麝香

五分

天麻

六錢

牛膽

南星

八錢

右為末煎甘草膏丸皂角子大每一丸薄荷湯下

解毒散 治一切瘡毒風疹痒痛

黃栢

炒

山梔

等分

右為末水調搽若破而膿水淋漓用當歸膏或燭油

調搽

黃金散 治天疱瘡止痛消毒

滑石

甘草

等分

右為末挑破去水敷之

清涼解毒散 治症同前或作焮痛

大黃

黃柏

山梔

寒水石

煨等分

右各另為末調搽當歸膏尤好

製附子法

附子重一兩三四錢有蓮花瓣頭底圓平者先備童

便五六碗將附子先埋熱草灰中半日乘熱投童便
浸五七日揭皮切四塊仍浸二三日用粗紙數重包
之浸濕埋灰大半日取出切片檢視有白星者乃用
瓦上炙熟至無白星為度如急用即切火上炙黃用
之亦效大凡陽氣脫陷子時至午時惡寒未至亥發
熱如用熟附子不應必用半生半熟更不應急生附
一二劑然後量症治之

薛氏醫案卷十九